




286-100





嘉慶元年新年鑄

廿二史紀事 提要

本衙藏板

史學之例變自司馬子長易編
年為傳記而班范因之然子長
所作自開闢以至於漢孝武時
其書盈尺而止後人紀事漸繁
自漢迄明汗牛充棟留心史學
者即專且勤焉非幾易寒暑不
能卒業矣而其中頭緒實繁莫



由記憶讀者苦之是以溫公通
鑑朱子綱目又變傳記之體以
上法乎春秋提綱挈領令學者
瞭然于目然其取例也嚴其徵
事也詳一字之褒誅定千載以
上之論故淺見寡聞之士亦從
而河漢其言錫山吳韓章先生
爲國初名宿著述甚富今提要
一書通鑑中擇其事之有關治
亂興亡以及民彝物則人品心
術之大者以數字爲標題而彙
括其本事以爲之註其卷帙旣
不多而歷代兵刑禮樂制度文
章亦于是而畧脩誠史學之津

梁而通鑑綱目之羽翼也且夫
詩賦詞章之士欲擷采芳華者
徃徃求之于歷朝小說外傳雜
記諸書摘字句之奇艷以爲用
今乃卽于正史之內每事識其
一語以爲采取之資一經標識
遂覺燦如列錦取多用宏其所

禪于菽苑者匪淺鮮矣然則一
書而可以考古今証得失富詞
翰之英華標論策之題識孰有
便于此者其傳世行遠又何疑
焉爰爲序而梓之乾隆丙寅八
月金沙王步青書于秦淮客寓

良金必王步青善于泰卦容萬
無爻爲有而幹之薄劉丙寅人
更于批答其對世言數文可發
鮮之英華對論策之駁論據亦
善而可以善古今論對夫富國
輒于燕燕香國對與然限一

廿二史紀事提要叙

古今文體近百皆聽天下文士臆爲之獨史置專官編年法春
秋紀事法尙書參互攷訂以備後人觀省漸於展卷便得其要
領無取乎繁重破碎不易洞悉而必遲之窮年累月綜見績聞
之餘者也金匱吳韓章先生通鑑摘錦一代一朝一人一事摘
字標題文言製錦便人誦習其似蒙泉先生以其歷代事實依
次編紀易名廿二史紀事提要志重爾嗟乎哉孔子刪書唐虞
三代每代僅紀一二事耳左氏國語每國僅紀一二事傳一二
人耳迨子長作世家便與近代誌狀家乘無異嗣是已後一史
冗於一史至於目憊神罷顛倒世次而不可記憶可勝言哉是

故史之失也其失也冗史之冗由於求詳而愛奇求詳之失由於不知人愛奇之失由於不論世二者存乎其識也太傳爲詞林則治安不足錄魯直爲孝子則賦詩不足多蘇歐無與於藝文潘楊不列於亂黨古人知人論世從其所重耳不然晉志充乘不盡彭澤唐書累牘僅錄香山胷無要領遇聞輒採古今一大賬簿紀之可勝紀哉馬史張皇天人之際望氣占夢誕矣班書屈伸鬼神之說日中下里荒矣搜神世說爲脩實錄南史北史勅誌齊諧新舊二書穢及閨門之內遼金兩史撰在沙漠之交紀事似矣提要何有焉是書因人紀事賸指知歸什一千百詞尚體要庶無戾乎春秋左國之遺意若乃分彙旁出於項羽十罪借見於漢高附麒麟姓名於典屬之末著循良行實於文苑之內畧樞古人纂組之例而比事屬詞文成雜誦俾讀者目受手披開展便得其要領其不至目憊神罷顛倒世次而不可記憶也其又何俟遲之窮年累月綜見續聞之餘哉先是閩海王子初陽歷代帝王紀要予叙以行世矣是故蒼萃歷代帝王卿相士夫民物而更綜大全以紀事而提其要也是不可不叙其端以告天下後世也池東後學汪思邇京門叙言時乾隆十一年丙寅夏六月立秋日也

一 纂要者逸之

其辭以告天下矣世出此東近學武思歐京門餘言報算劉十
陳師士夫况世而更錄大全以錄事而誌其要也豈不可不除
王子師則想升帝王錄要字餘以行世矣豈非替翠蠶升帝王
晴辭也其又何刻數之滾羊果良慈良錄開之翁姑夫豈聞或
受手姓開風與昏其斐險其不至日愈輒語說附世突而不可
茲之內畧黜古人纂錄之圖而其事亂而文氣雜備時節皆日
十集計其成驚高州想錄世各亦典亂之末落語其行實錄文

一 是編原名通鑑摘錦蓋於每段事實中摘其數字標題於前
好句天成燦如列錦使閱者識此數字則全文俱可記憶且
易於採用集腋成裘採心釀蜜頗有益于學者因其中仍照
歷代帝王傳次事實按序編紀不敢遺漏故更名爲紀事提
要

一 是集刪繁就簡然全鑑中要事一一搜出頗無挂漏其無關
緊要者逸之

一 歷代帝王縱無奇足錄亦必存其名號以昭序也

一 地名必用旁註使閱者一覽瞭然

一 列統系圖使古今由來歷歷如睹

<p>歷</p> <p>天皇地皇人皇氏 名曰三皇居上世 太昊炎帝及軒轅</p> <p>唐虞紹之為五帝 夏商周秦東西漢 後漢魏吳三國判</p> <p>漢亡于魏魏禪晉 晉遂平吳天下定 擾西晉者為五胡</p> <p>天下瓜分南北隔 南為東晉居江左 宋齊梁陳踵其都</p> <p>北則五胡而後魏 東魏西魏分為二 東傳北齊西傳周</p> <p>周又滅齊禪隋帝 隋能平陳海宇周 曾幾何時禪唐室</p> <p>唐祚終分為五季 梁唐晉漢周相繼 宋代周分天下平</p> <p>中南渡分逼遼金 誅金城宋統歸元 歷代相傳九十年</p> <p>自堯迨元幾春秋 三千七百二十四 明朝二百七十八</p> <p>大清定鼎垂萬世</p>	<p>國</p> <p>春秋十二國 戰國七雄</p>	<p>號</p>	<p>圖</p>
--	----------------------------	----------	----------

天皇 少昊

內聖之位

齊曹陳 秦楚齊燕

盤古 地皇 顓頊 唐虞夏 商周 東周

魯衛宋 燕晉秦 趙魏韓

人皇 帝嚳 四年

秦 西漢 內聖之位 東漢 後漢 晉 魏

前前大南 西晉 篡位 吳 吳

趙秦夏涼 東晉 後後西北 前前南西 燕蜀涼涼

宋 齊 梁 陳
 魏 東 西 魏 齊 後 齊
 隋 唐
 後 梁 後 唐 後 晉 後 漢 後 周
 蜀 吳 吳 南 後 北 南
 閩 楚 越 漢 蜀 漢 唐
 宋 元

明

大清一統萬萬歲

廿二史紀事提要目

卷一

盤古氏

天皇氏

地皇氏

人皇氏

循蜚紀

因提紀

有巢氏

燧人氏

廿二史紀事提要目錄

禪通紀

軒轅氏

祝融氏

史皇氏

有巢氏

葛天氏

無懷氏

女媧氏

疏仡紀

三皇紀

太昊伏羲氏

炎帝神農氏

黃帝有熊氏

五帝紀

少昊金天氏

顓頊高陽氏

帝嚳高辛氏

帝堯陶唐氏

帝舜有虞氏

三王紀

夏

大禹

帝啓

太康

仲康

帝相

少康

帝履癸

商

成湯

太甲

太戊

盤庚

武丁

紂

周

文王

武王

成王

康王

昭王

穆王

共王

懿王

孝王

夷王

厲王

宣王

幽王

平王

桓王

莊王

釐王

惠王

襄王

頃王

匡王

定王

簡王

靈王

十二代史記要目録

四

廿二史劄記

景王

敬王

元王

貞定王

威烈王

安王

烈王

顯王

慎靚王

赧王

東周君

秦紀

始皇帝

二世皇帝

卷二

漢紀

太祖高皇帝

孝惠皇帝

高皇后

太宗孝文皇帝

廿二史劄記要目録

五

孝景皇帝

世宗孝武皇帝

連元六 元光一 元朔六 元狩六
元鼎六 元封六 太初四 征和四
後元二

孝昭皇帝

始元六 元鳳六 元平一

中宗孝宣皇帝

本始四 地節四 元康四 祿爵四
五鳳四 甘露四 黃龍四

孝元皇帝

初元五 永光五
建昭五 竟寧一

孝成皇帝

建始四 河平四 陽朔四 鴻嘉四
永始四 元延四 綏和二

孝哀皇帝

建平四 元壽一

孝平皇帝

元始

孺子嬰

附新莽

淮陽王

漢紀

世祖光武皇帝

建武三十 中元二

顯宗孝明皇帝

永平十八

肅宗孝章皇帝

建初八 元和三
章和二

孝和皇帝

永元十六 元興一

孝安皇帝

永初七 元初六 永寧一
建元一 延光四

孝順皇帝

永建六 陽嘉四 永和六
漢安二 建康二

孝冲皇帝

永嘉一

孝質皇帝 本初一

孝桓皇帝 建和三 延嘉九 元嘉二 小興二

孝靈皇帝 建寧四 和平一 平六

孝獻皇帝 初平五 中平六 興平二

後漢紀 附魏吳二僭國 建安二十五

昭烈皇帝 章武三

後皇帝 建興十五 延熙二十 景耀五 炎興一

卷三

西晉紀

世祖武皇帝 太始十 咸寧五 泰康十

孝惠皇帝 永熙二 元康九 永寧二 大安二 光熙一

孝懷皇帝 永嘉二

孝愍皇帝 建興一

東晉紀

中宗元皇帝 建武一 大興四 永昌一

肅宗明皇帝 太寧三

顯宗成皇帝 咸和 咸康

康皇帝 建元

孝宗穆皇帝 永和 升平

哀皇帝 隆和 興寧

帝奕 太和

太宗簡文皇帝 咸安

烈宗孝武皇帝 寧康 太元

安皇帝 隆安 元興 義熙

恭皇帝 元熙

南北朝

宋紀 附北朝魏

高祖武帝 永初

營陽王

太祖文帝 元嘉

世祖武皇帝 孝建 大明

太宗明帝 太始 太豫

蒼梧王 元徽

順帝 昇明

齊紀 附北朝魏

太祖高帝 建元

世祖武帝 永明

高宗明帝 建武

東昏侯 永元

和皇帝 中興

梁紀 附北朝魏 東魏

高祖武帝 天監十七 普通七 大通一 中大通六

太宗簡文帝 大寶

世祖孝元帝 承聖

敬帝 紹泰 太平

陳紀 附北朝周齊

高祖皇帝 永定

世祖文帝 天嘉 天康

臨海王 光大

高宗宣帝 大建

長城公 至德三 禎明三

隋紀 自東晉以來天下分裂至是始合為一

高祖文皇帝 開皇二十 仁壽四

煬皇帝 大業

恭帝 義寧

卷四

唐紀

高祖神堯皇帝 武德

太宗文武皇帝 貞觀

高宗皇帝 永徽六 顯慶五 龍翔三 麟德二 乾封一 總章二 咸亨四 上元一

儀鳳三 調露一 永隆二 弘道二

中宗皇帝 景隆 嗣聖 神龍

附則天順聖皇后 光宅 垂拱四 永昌一 天授一 如意一 長壽二 延載一 天册一 通天一 神功一 聖曆二 長安一

睿宗皇帝 景雲 太極

玄宗皇帝 開元 天寶

至德一 乾元二 上元三 寶應一

肅宗皇帝 廣德二 永泰一

代宗皇帝 大曆十四 興元廿一

德宗皇帝 建中四

順宗皇帝 永貞

憲宗皇帝 元和

穆宗皇帝 長慶

敬宗皇帝 寶曆

文宗皇帝 太和九 開成五

武宗皇帝 會昌六

宣宗皇帝 太中十三

懿宗皇帝 咸通十四

僖宗皇帝 乾符六 廣明二 中和四 光啓二 文德一

昭宗皇帝 龍紀二 大順三 景福二 乾寧四 光化二 天復一 天祐一

卷五

後梁紀

太祖皇帝

開平四
乾化二

末帝

貞明六
龍德三

後唐紀

莊宗皇帝

同光三

明宗皇帝

天成四
長興四

閔帝

應順二

廢帝

清太二

後晉紀

高祖皇帝

天福七

齊王

開運二

後漢紀

高祖皇帝

乾祐二

隱皇帝

後周紀

太祖皇帝

廣順二

世宗皇帝

顯德六

恭帝

宋紀

太祖皇帝

建隆三
開寶九

乾德五

太宗皇帝 太平興國八 雍熙四 端拱三

真宗皇帝 咸平六 景德四 大中祥

仁宗皇帝 天聖九 明道三 景祐四 寶元三

康定一 慶曆八 皇祐五 至和二

英宗皇帝 治平

神宗皇帝 熙寧十 元豐八

哲宗皇帝 元祐八 紹聖四

卷六

宋紀

徽宗皇帝 建中靖國一 崇寧五 大觀四

欽宗皇帝 靖康十

高宗皇帝 建炎四 紹興三十四

孝宗皇帝 隆興一 乾道九

光宗皇帝 紹熙五

寧宗皇帝 慶元六 嘉泰四

理宗皇帝 寶慶三 紹定六 端平三 嘉熙四

度宗皇帝 咸淳 淳祐十二 開慶一 景定五

恭宗皇帝 德祐

端宗皇帝 景炎

帝昺 祥興

元紀

世祖皇帝

至元

成宗皇帝

元貞二

大德四

武宗皇帝

至大四

仁宗皇帝

皇慶二

延祐七

英宗皇帝

至治

泰定皇帝

太定四

致和一

明宗皇帝

文宗皇帝

天曆二

至順三

寧宗皇帝

順皇帝

元統二

至正二十七

至元六

卷七

明紀

太祖高皇帝

洪武

建文皇帝

成祖文皇帝

永樂

仁宗昭皇帝

洪熙

宣宗章皇帝

宣德

英宗睿皇帝

正統

天順

恭仁康定景帝

景泰

憲宗純皇帝 成化

孝宗敬皇帝 弘治

武宗毅皇帝 正德

世宗肅皇帝 嘉靖

穆宗莊皇帝 隆慶

卷八

明紀

神宗顯皇帝 萬曆

光宗貞皇帝 泰昌

熹宗哲皇帝 天啓

莊烈帝

廿二史紀事提要卷之一

無錫吳 綏韓章纂

孫培源蒙泉校刊

孫婿陸 錦澹庵

曾孫承烈兼山 同訂

盤古氏

相傳首出御世者曰盤古氏又曰渾敦氏生於太荒莫知其

始蓋天地初開之會也

天皇氏 一姓十三人兄弟各一萬八千歲

取天開於子之義始制干支以定歲十干為母曰闕逢也甲旃

蒙也柔兆也疆圉也著雍也屠維也上章也重光也玄默也

昭陽癸也十二支爲子曰困敦子也赤奮若丑也攝提格寅也單闕卯也

執徐辰也大荒落巳也敦牂午也協洽未也涒灘申也作噩酉也闞茂戌也大

淵獻亥也

地皇氏一姓十一人兄弟各一萬八千歲

取地闕於丑之義爰定三辰日月星也是分晝夜以三十日爲一

月

人皇氏一姓九人兄弟合四萬五千六百年

取人生於寅之義相厥山川分爲九區兄弟九人人各一方

故又曰居方氏當是時也萬物羣生淳風沕穆主不虛王臣

不虛貴政教君臣所自起飲食男女所自始

循蜚紀循蜚者以其時德厚信立人循其化速若蜚也自鉅靈氏至次民氏共二十二氏

因提紀因提者其世咸有制作俾後人可因以利時也自辰放氏至庸成氏共十三氏中摘其尤著者巢燧二氏焉

有巢氏

太古之民穴居野處與物相友無有妒傷之心後世人民機

智而物始爲敵有巢氏乃構木爲巢教民居之以避其害未

知稼穡食草木之實未有火化飲禽獸之血而茹其毛先取

其皮蔽前後取而蔽後

燧人氏

古未知烹飪燧人氏知空有火麗木則明始鑽木取火教民

熟食又作結繩之政有事則結繩以記之又立傳教之臺爲

日中之市人情以遂故又謂之遂皇有四佐曰明由必育成
博隕丘

禪通紀

禪通者言禪讓之德通于天道也自軒轅氏至神農氏共十九氏中摘其尤著者則軒轅祝融史皇有巢無懷

女媧數氏焉其伏羲神農二氏則詳見後三皇紀中

軒轅氏

紹物開智見轉蓬而制車橫木爲輓直木爲轅故號軒轅氏

祝融氏

聽弇州之鴻鳥以爲樂歌諧神明而和人聲以火施化亦號
赤帝故後世火官因以爲號

史皇氏

卽倉頡

倉帝生而能書及長登陽墟山臨于玄扈洛水之汭靈龜負
書丹甲青文倉帝受之遂窮天地之變仰觀奎星圓曲之勢
俯觀龜文鳥羽山川掌指而創文字及成天爲雨粟鬼爲夜
哭

有巢氏

上古人多禽獸之難前有巢氏教之巢居人獲安焉及其久
也木處而顛教之以編槿而廬緝翟而扉填塗茨翳以溼其
禍故亦號有巢氏蓋屋廬之始也

葛天氏

其治世也不言而信不化而行蕩蕩乎無能名之俗以熙熙

其作樂也三人撥牛尾投足以歌八闋是謂廣樂

無懷氏

其撫世也以道存生以德安刑其民甘食而樂居懷土而重生形有動作心無好惡民至老死不相往來命之曰無懷氏之民

女媧氏

與太昊同母生而神靈佐太昊正婚姻以重萬民之判是為神媒時共工氏作亂與祝融氏戰不勝而怒頭觸不周山崩天柱折地維缺女皇乃鍊五色石補天斷鰲足撐地

疏佗紀

疏以知遠佗以審斷其世則自黃帝以迄于周

按外紀所載多荒誕不經惟孔子繫易稱伏羲神農黃帝刪書斷自唐虞足為明據故漢孔安國序書以伏羲神農黃帝為三皇少昊顓頊帝嚳唐虞為五帝宋朱熹從之今並以此為準

三皇紀

太昊伏羲氏

太昊之母居于華胥之渚履巨人跡意動且遠之始娠生帝于成紀以木德繼天而王風姓有聖德象日月之明故曰太昊在位一百十五年

始畫八卦

帝德合上下天應以鳥獸文章地應以河圖洛書因龍馬負圖出于河帝則其文畫八卦因而重之為六十四卦以通神明之德以類萬物之情

造書契以代結繩之政

刻木為字也

書制有六一曰象形二曰假借三曰指事四曰會意五曰轉註六曰諧聲使天下義理必歸文字文字必歸六書

作甲歷

甲歷起于甲寅支干相配為十二辰六甲而天道周矣歲以是紀而年不亂月以是紀而時不易晝夜以是紀而人知度東西南北以是紀而方不惑

以龍紀官

因龍馬之瑞紀春官為青龍氏夏官為赤龍氏秋官為白龍氏冬官為黑龍氏中官為黃龍氏

定婚娶

古民野合男女無別帝始制嫁娶以儷皮為禮正姓氏通媒妁以重人倫之本而民始不賣

作網罟養六畜

始制網罟教民以佃以漁又教之豢養六畜以充庖厨供犧牲故又曰庖羲氏

始作樂

帝作荒樂歌扶袿斷桐為琴繩絲為絃絃二十有七緹桑為三十六絃之瑟而樂音自是興焉

炎帝神農氏

姜姓以火德王故曰炎帝初國伊繼國耆又曰伊耆氏在位一百四十年傳至榆罔共八世

始教耕種

民未知穀食帝因天時相地宜擇五穀之種制耒耜以教民

耕種而農事興焉又治麻而布亦始于此

始制醫藥

民有疾病未知藥石帝徧味草木之滋察其寒温平熱之性辨其君臣佐使之義嘗一日遇十二毒神而化之遂作方書以療民疾而醫道立復察水泉甘苦令人知所避就由是民無天札之患天下宜之

作蜡祭

始為廛市

列廛于國中而市致天下之民聚天下之貨交易而退各得其所

以火紀官

因有火瑞以火紀官春官為大火夏官為鶉火秋官為西火冬官為北火中官為中火

黃帝有熊氏

帝母感電光繞北斗而娠生于軒轅之丘因名軒轅國于有熊故號有熊氏長于姬水以姬為姓時神農氏衰諸侯相侵帝修德治兵擒蚩尤于涿鹿諸侯咸推為天子以土德王故曰黃帝在位百年

舉六相

風后力牧太山稽常先太鴻得六相而天下治

以雲紀官

因有雲瑞故以雲紀官春官為青雲夏官為緡雲秋官為白

雲冬官爲黑雲中官爲黃雲

制陣法

帝立制度內行刀鋸外用甲兵制陣法設旂麾天下有不順者從而征之

始有星官之書

帝受河圖見日月星辰之象於是有星官之書命大撓作甲子又命羲和占日常儀占月準區占風鬼臾區占星氣隸首理算數容成造天儀著周天歷度作調歷以建寅春正月爲歲首

始教民蠶

帝命元妃西陵氏教民育蠶治絲以供衣服故後世祀爲先蠶

始造律呂作咸池樂

帝命伶倫取竹于嶰谿之谷以生孔竅厚鈞者斷兩節間長三寸九分而吹之爲黃鍾之宮又制十二筩以象鳳凰之鳴其雄鳴爲六雌鳴亦六因別之爲十二律陽爲六律陰爲六呂候氣之應以立宮商角徵羽之聲又命大容作雲門大卷之樂命曰咸池

始制衣裳

帝作冕垂旒之纒爲立衣黃裳以象天地之正色旁觀翬翟

草木之華染畫五采爲文章以表貴賤

始作器用

命甯封爲陶正赤將爲木正以利器用揮作弓夷牟作矢以威天下岐伯作鼓吹鑿角靈輶神鉦以揚德建武共鼓化弛作舟楫以濟不通邑夷作車以行四方作杵臼而穀粟始鑿作釜竈而民始粥作甑而民始飯以烹以飪以爲醴酪澤有橋梁行有屨履死有棺槨而天下利矣又廣宮室之制作合宮祀上帝接萬靈布政教焉

制國用

范金爲貨制金刀立五幣爲輕重之法以制國用而貨幣行矣

畫野分州立井制畝

帝畫野分州得百里之國萬區遂經土設井立步制畝使八家爲井

屈軼生庭

有草生于庭佞人入則指之名曰屈軼時又有鳳凰巢于阿閣麒麟遊于苑囿

五帝紀

少昊金天氏

姓已名摯黃帝之子母曰嫫祖感大星如虹下臨華渚而生帝以金德王故號金天氏能修太昊之政故曰少昊在位八十四年

以鳥紀官

因鳳鳥至以鳥紀官祝鳩氏為司徒睢鳩氏為司馬鳴鳩氏為司空爽鳩氏為司寇鵲鳩氏為司事

作大淵樂

主諧神人和上下是曰九淵

顓頊高陽氏

姓姬黃帝之孫父昌意娶蜀山氏之女曰昌僕是為女樞感瑤光貫月之祥而生帝以水德王都高陽故號高陽氏在位七十八年

以民事紀官

以少昊之子重為木正曰勾芒屬春該為金正曰蓐收屬秋修與熙相代為水正曰玄冥屬冬又以炎帝之子為土正曰

勾龍屬中央而帝之孫為火正曰祝融屬夏勾龍能平水土

後世祀以配社

五星會于天

帝作歷以孟春之月為元是歲正月朔旦立春五星會于天歷營室冰凍始泮蟄虫始發雞始三號天曰作時地曰作昌

人曰作樂鳥獸萬物莫不惠和故顓帝為歷宗也

作承雲樂

制九州

始定雍冀豫梁荆揚青徐兗之方名

帝嚳高辛氏

名契姓姬少昊之孫受封于辛故號高辛氏以木德王在位七十年

作六英樂

命咸黑爲聲歌僊作鞀鼓鐘磬吹管墳簾名曰六英

赤龍飛燕之祥

帝有四妃元妃有邠氏女曰姜嫄與帝禋祀上帝而生稷陳

鋒氏女曰慶都有赤龍之祥孕十四月而生堯有娥氏女曰

簡狄祈于高禖有飛燕之祥而生契媯訾氏女曰常儀生子

摯

帝堯陶唐氏

帝堯之子摯之弟也摯嗣立荒淫無度諸侯廢之而尊堯爲天子以佐摯封樞受封于陶又改國于唐故號陶唐氏以火德王在位七十二其仁如天其智如神就之如日望之如雲茅茨不剪采椽不斲松生于棟雲生于牖乘素車御白馬仁昭而義立德薄而化廣

合舜攝位二十八載統計在位百年

康衢擊壤

帝在位五十載不知天下治與不治乃遊于康衢聞童謠曰

立我蒸民莫匪爾極不識不知順帝之則又有老人含哺鼓

腹擊壤而歌曰日出而作日入而息鑿井而飲耕田而食帝

力何有于我哉

華封三祝

帝巡狩觀于華華封人曰嘻請祝聖人使富壽多男子帝曰

多男子則多懼富則多事壽則多辱封人曰天生萬民必授

之職何懼之有富而使人分之何事之有天下有道與物偕

昌天下無道修德就閒千歲厭世去而上仙乘彼白雲至于帝鄉何辱之有

作大章樂

莫莢

有草生庭十五日以前日生一葉以後日落一葉月小則一

葉厥而不落名曰莫莢觀之知旬朔

筵蒲

堯厨中暑月生肉筵蒲無風自扇肉不臭穢

洗耳

帝欲讓位于許由許由曰汚吾耳往水洗之適巢父飲牛于

下流遂牽去曰恐汚吾牛口也後許由隱箕山終

帝舜有虞氏

黃帝八代孫也姚姓微時耕歷山獲玉曆于河巖知天命之在巳體道不倦堯聞其賢妻以二女使之攝政後禪以帝位堯崩之後師慕三年坐則見堯于墻食則見堯于羹師紀后拜蒲衣親善卷在位四十八年以土德王

舉八元八愷

高陽氏有才子八人曰八愷高辛氏有才子八人曰八元世

濟其美所謂十六族也堯未及舉舜乃舉八愷使主后土舉

八元使布五教于四方

命九官

禹為司空宅百揆棄為后稷教稼穡契為司徒敷五教臯陶

為士明五刑垂為共工理百工益為虞治山澤伯夷為秩宗
典禮夔典樂龍作納言

歌南風詩

帝恭已無為彈五絃之琴歌南風之詩詩曰南風之薰兮可
以解吾民之愠兮南風之時兮可以阜吾民之財兮

作九韶樂

景星卿雲

時景星出卿雲興百工相和而歌帝乃偶之曰卿雲爛兮糾
縵縵兮日月光華且復且兮

三王紀

夏

大禹

姒姓黃帝玄孫母修巴見流星貫鼎夢按意感而孕
生焉禹為人聲為律身為度治水成功受舜禪即位
會諸侯于塗山執玉帛者萬
國在位二十七年以金德王

金簡玉書

禹東巡登衡嶽血白馬以祭齋于黃帝巖嶽之下登宛委山
發石得金簡玉書悟治水之理

黃龍負舟

嘗濟江有黃龍負舟舟中人懼禹曰吾受命于天竭力以勞
萬民生寄也死歸也吾何憂于龍焉視龍猶螟蛉顏色不變
須臾龍俛首低尾而逝

作大夏樂

鞀鐸求言

曰教寡人以道者擊鼓諭以義者擊鐘告以事者振鐸語以

憂者擊磬有訟獄者搖鞀一饋而十起一沐三握髮以勞天

下之民

下車泣罪

嘗出見罪人下車而泣曰堯舜之民皆以堯舜之心為心寡

人為君百姓各以其心為心是可痛也

鑄九鼎

禹使九州各貢其金鑄為九鼎以象九州每鼎上各肖其州

之山川人物一鼎須九萬人舉之

疏儀狄

古用醴酪禹時儀狄作酒禹飲而甘之遂疏儀狄而絕旨酒

曰後世必有以酒亡其國者

帝啓禹之子也禹娶塗山氏女生啓禹崩啓能持禹之功乃繼世以有天下在位九年

滅有扈氏

以商均為賓

太康啓之子也在位二十九年

五子之歌

太康即位荒逸弗恤國事畋于洛水之表十旬弗歸厥弟五

人作歌以怨之有窮之君后羿因民之怨距于河弗許歸國
乃立其弟仲康

仲康

太康之弟在位十三年

亂侯征羲和

維時羲和沉湎于酒遐棄厥司王命亂侯往征之

帝相

仲康之子

后羿代夏

帝相立權歸后羿遂為羿所逐依諸侯斟灌斟鄩氏羿篡夏
委用其臣寒浞浞乃殺羿自立浞因羿室生澆澆長浞使滅
斟灌斟鄩氏弑帝相后緡方娠逃出自竇歸于有仍生少康

少康

帝相之子中興在位二十二年

一成一旅中興

少康在有仍既長為牧正澆求之遂奔有虞虞君思妻之以
二姚而邑諸綸有田一成方十里有眾一旅五百人能布其德以
收夏眾遂興師滅浞併誅澆復有天下

少康後歷帝杼帝槐帝芒帝泄帝不降帝扃帝廛帝孔甲帝
皐帝發凡十君而至履癸是為桀

帝履癸

發之子即桀也在位五十二年

肉山酒池

桀伐有施氏有施氏以妹喜進桀寵之為瓊宮瑤臺肉山脯

林酒池可以運船，糟堤可望十里，一鼓而牛飲者三千人，妹喜笑以為樂。關龍逢諫，桀殺之。湯使人哭之，桀怒，囚湯于夏臺，已而得釋。伊尹相湯，伐之，放桀于南巢，夏亡。

桀子淳維，桀衆妾遁于荒野，隨帝轉徙，號雉鳴為夷狄之始祖。

右夏十七王共計四百五十九年

商紀

成湯

姓子氏，名履，一名天乙。主癸之子，帝嚳玄孫也。帝嚳生契，傳十三世而至主癸，娶扶都氏，見白氣貫月，意感而生湯，伐桀而有天下，在位十三年。

解網更祝

湯出見人張網四面而祝曰：「從天墜者，從地出者，從四方來者，皆羅吾網。」湯曰：「嘻，盡之矣！乃解其三面，置一面，更祝曰：『欲左者左，欲右者右，欲高者高，欲下者下，不用命者乃入吾網。』」諸侯聞之曰：「湯德至矣！及禽獸歸之者四十六國。」

改朔易色

自夏以前皆以建寅月為正月，湯革夏命，乃以建丑月為正月，改歲曰祀，色尚白。

六事自責

時大旱，七祀太史占之曰：「當以人禱。」湯曰：「吾請自當之。」遂剪髮斷爪，身嬰白茅，以為犧牲，禱于桑林之野。以六事自責曰：「政不節歟？民失職歟？宮室崇歟？女謁盛歟？苞苴行歟？讒夫昌歟？」

歟言未已大雨數千里

作大濩樂

太甲

湯之嫡孫太丁之子在位三十三祀

處仁遷義

太甲即位不明厥德伊尹放之于桐宮太甲自怨目艾處仁

遷義伊尹乃以冕服迎歸增修厥德號為太宗

太戊

自太甲歷傳沃丁太庚小甲雍已而商道衰至太戊克脩成湯之政商道復興號中宗在位七十五祀

妖不勝德

有祥桑穀生于朝七日大拱伊陟曰妖不勝德政其有闕歟

太戊於是修先王之政又有賢臣巫咸臣扈等共輔佐之三

日而祥桑枯死

盤庚

自太戊歷傳仲丁外壬河亶甲祖乙祖辛沃甲祖丁南庚陽甲而商道復興衰盤庚行湯之政商道復興諸侯來朝在位二十八祀

改商曰殷

仲丁時亳都有河決之害遷都于囂河亶甲時囂又有河決

之害遷都于相祖乙時相又有河決之害遷都于耿至是耿

又有河決之害復遷于亳從湯所都改商曰殷乃作書三篇

以告諭臣民

武丁

自盤庚歷傳小辛小乙而殷道又衰武丁修德行政殷道復興號高宗在位五十九祀

夢得傳說

武丁恭默思道夢上帝賚以良弼乃圖形使人旁求于天下
得傳說于版築之巖遂命為相君臣道合政事修舉

雉升鼎耳

武丁祭成湯有飛雉升鼎耳而雉祖已訓諸王武丁內反諸

已以思王道三祀蠻夷重譯來朝者六國

伐鬼方

紂名受辛自武丁歷傳祖庚祖甲廩辛庚丁武乙太丁帝
乙而殷道益衰紂嗣立毒癩四海武王之紂自焚而
死而殷亡。紂資辨敏捷材力過人
智足拒諫言足飾非卒以亡天下

象箸玉杯

始為象箸箕子嘆曰彼為象箸必為玉杯將窮奢極欲之漸

自此而始吾畏其卒也

聖人之心有七竅

伐有蘇氏得其女妲己寵甚為酒池肉林長夜之飲又為炮
烙之刑以娛之比干諫紂怒曰吾聞聖人之心有七竅遂殺
之而剖視其心

一物足以釋西伯

九侯進女于紂女不喜淫紂殺之而醢九侯鄂侯爭之併殺
鄂侯西伯昌聞之歎息崇侯虎譖之紂乃囚西伯于羑里西
伯演易明天人之道以順受之其臣散宜生等求美女奇物
善馬以獻紂紂大悅曰此一物足以釋西伯况其多乎乃赦

西伯西伯獻洛西之地請除炮烙之刑紂許之賜以弓矢斧鉞得專征伐

後紂惡貫盈武王伐之紂奔鹿臺衣寶玉自焚軍士斬其頭懸之太白之旗獲妲己美甚軍士不忍殺師尚父命以衣掩其面而誅之斬其首懸之小白之旗殷亡

右商二十八君共計六百四十四年

周紀

文王

后稷之後亦帝嚳之裔也嚳妃姜嫄與帝禋祀上帝而生稷為農官世德忠厚傳至文王遂三分有二所謂以農事發祥忠厚開基也

虞芮質成

西伯陰行善諸侯皆來決平虞芮二國爭田不能決乃如鳳人界見耕讓畔民讓長慙相謂曰吾所爭周人所恥何往為遂還俱讓其田而不取漢南諸侯歸者四十國

獵渭遇太公

呂尚年八十餘釣于渭濱西伯出獵卜曰非龍非虺非熊非羆非虎非貌所獲霸王之輔果遇呂尚與語大悅曰吾先君太公望子久矣故號之曰太公望載與俱歸立為師

嘗子羹

文王之長子伯邑考紂烹為羹賜之曰聖人當不食其子之羹西伯知而食之以自全紂曰誰謂西伯聖者食其子羹尚

不知也

澤及枯骨

西伯立靈臺鑿池沼見死人骨命以衣冠更葬之天下聞之

曰西伯澤及枯骨况於人乎

武王

名發文王之子以火德王在位七年壽九十三

白魚入舟

武王伐紂東觀兵于孟津渡河中流白魚躍入王舟中武王俯取以祭既渡有火自上復于下至于王屋流為鳥其色赤

其聲魄

武王反商政

武王初定殷使弟管叔鮮蔡叔度相紂之子武庚治殷命召公釋箕子之囚畢公釋百姓之囚表商容之間南宮括散鹿臺之財發鉅橋之粟閔天封比干之墓王乃罷兵西歸歸馬于華山之陽放牛于桃林之野衅車甲而藏之府庫示天下不復用

尚父陳丹書

曰敬勝怠者吉怠勝敬者滅義勝欲者從欲勝義者凶王聞言惕若恐懼退而為戒書于席之四端及几鑑盥盤楹杖帶屨觴豆戶牖劔弓矛各為銘焉

箕子陳洪範

封箕子于朝鮮而不臣問以天道乃陳洪範箕子朝周過故
殷墟而痛之作歌曰麥秀漸漸兮禾黍油油兮彼狡童兮不
與我好兮殷民間之皆為流涕

大封建

封神農之後于焦黃帝之後于祝帝堯之後于荊帝舜之後
于陳大禹之後于杞封功臣謀士以師尚父為首封于營丘
曰齊封周公于曲阜曰魯弟叔鮮于管召公奭于燕畢公高
于畢叔度于蔡叔振鐸于曹叔武于邲叔虔于霍康叔封于
聃封兄弟之國十五同姓之國四十

作大武樂

周公作金縢

王有疾周公告太王王季文王請以身代武王之死周公乃

以下書藏于金縢櫃中王翼日乃瘳

成王

名誦武王太子年十三嗣位周公居冢宰攝政負辰以朝諸侯王在位三十七年

抗世子法于伯禽

周公子也

成王有過周公即撻伯禽所以示成王世子之道也

握髮吐哺

伯禽就封于魯周公戒之曰我一沐三握髮一飯三吐哺起
以待士猶恐失天下之賢人今子之魯慎無以國驕人

封微子于宋

管蔡流言以武庚叛周公乃作大誥奉王命以討武庚管叔而誅之既誅武庚乃封微子以代殷後國號宋用殷之禮樂於周爲客而不臣

桐葉封弟

成王與幼弟叔虞剪桐葉爲珪戲曰吾以此封若史佚請擇曰王曰戲耳佚曰天子無戲言遂封爲唐侯

海不揚波

越裳氏重三譯來朝周公曰德澤不加君子不享其質政令不施君子不臣其人譯曰吾受命國之黃耆曰天無烈風滂雨海不揚波三年矣意者中國有聖人乎蓋往朝之周公歸之于王使者迷其歸路周公爲造指南車導之南行

定鼎郊鄩

初武王作邑于鎬京謂之宗周是爲西都將營洛邑而未果至是成王欲如武王之志定鼎于郊鄩卜曰傳世三十歷年七百周公乃營洛邑是爲東都以洛爲天下之中四方入貢道里均也

康王 名釗成王太子
在位二十六年

思政懷棠

召公巡行南邑聽斷于隴畝阡陌之間時舍甘棠之下後人思其政懷棠樹不忍伐作甘棠詩咏之

刑措四十餘年

成康之際天下太平刑措四十餘年不用

昭王 名瑕康王子在位五十一年

膠舟溺王

周道漸衰王巡狩反濟漢漢濱人以膠膠船至中流膠液王

溺死焉

穆王 名滿昭王子在位五十五年

八駿周行

王得八駿馬使造父御之周行天下車轍馬跡遍焉祭公謀

父作祈招之詩以止王心

耀德不觀兵

王將征犬戎祭公謀父諫曰先生耀德不觀兵王不聽竟征

之自是荒服不至

共王 名絜廬穆王子在位十二年

懿王 名懿共王子在位二十五年是時王室既衰詩入作刺

孝王 名辟方懿王弟在位十五年

封非子于秦為附庸

惡來之後有非子者善養馬王命主馬于汧渭之間馬大蕃

息乃封為附庸之君邑于秦賜姓嬴使續伯益後號曰秦嬴

夷王 名熒孝王子在位十六年觀禮不明王始下堂而見諸侯

厲王 名胡夷王子在位十七年并共和三十七年

詩之變雅始作 謂大雅桑采之類也

監謗弭謗

王行侈傲國人謗王王怒得衛巫使監謗者以告則殺之國
人莫敢言道路以目王喜曰吾能弭謗矣召公謂防民之口
甚于防川謗不可監也

周召共和

王戾虐滋甚國人叛襲王王出奔于豳太子靖匿召公家國
人聞之召公以其子代太子太子得脫召公周公以太子尚
幼相與協和其理國事號曰共和

宣王 名靖厲王子中興在位四十六年

民之大事在農

周召輔王脩政法文武成康之遺風十二年王不籍于畝號
公諫曰民之大事在農當法后稷

姜后脫簪珥待罪

王嘗晏起姜后脫簪珥待罪于永巷曰王樂色而忘德亂之
興自婢子始敢請罪王自是勤于政事早朝晏罷卒成中興

幽王 名宮涅宣王子動靜亂常在位十一年為犬戎所殺而西周亡

壓弧箕服

初夏之衰褒人之神化為二龍以伺王庭夏后殺之藏其殛

于積至厲王末發而觀之流于庭化爲玄龜入王府府童女
遭之而孕至宣王時而生一女懼而棄之時童謠云壓弧箕
服實亡周國有夫婦鬻是器者王使執而戮之逃于道得所
棄妖子育之逃于褒褒人褒姒有獄而入是女子于王卽褒姒
也王寵之廢中后及太子宜臼以褒姒爲后其子伯服爲太
子

裂繒

褒姒好聞裂繒聲王發繒裂之以適其意

烽火戲諸侯

褒姒不好笑王欲其笑不得乃無故舉烽火諸侯悉引兵至
至而無寇褒姒大笑後王欲殺宜臼宜臼奔申申侯與犬戎
伐王王舉烽火徵兵兵莫至犬戎遂殺王于驪山下西周以
亡

平王

各宜曰幽王子諸侯立之于申乃棄豐鎬而遷都于洛邑是爲東周在位五十一年

齊楚秦晉漸大

自東遷後王室微弱號令不行于諸侯政由方伯齊楚秦晉
漸大更歷春秋之世此四國更相征伐天子不能制

獻聖武公

衛武公年九十有五猶作懿戒以自儆及其沒也謂之獻聖
武公

孔子作春秋

特天子微弱賞罰不行于四十九年春王正月孔子因魯史脩春秋寓褒貶于賞罰以正一王之法

周鄭交質

桓王 名林平王之孫
在位二十三年

莊王 名佗桓王子
在位十五年 附齊桓公霸

鮑叔薦管仲

鮑叔薦管仲于齊桓公公以為相仲言作內政而寄軍令與夫成民之事公悅遂專任之號曰仲父管仲得以盡其才故能九合諸侯不以兵車成霸功者仲之力也

釐王 名劫齊莊王子
在位五年

曹沫劫盟

初齊伐魯魯莊公請獻遂邑以平齊桓公許之盟于柯魯曹沫以匕首劫桓公于壇上曰反魯侵地桓公許之已而曹沫去匕首北面就臣位桓公悔之管仲曰許之而倍之將棄信于諸侯不可於是歸其地于魯諸侯聞之皆信齊而欲附焉

惠王 名闔釐王子在
位二十四年

鶴乘軒

衛懿公好鶴鶴有乘軒者狄人伐衛將戰國人曰使鶴鶴有祿戰于熒澤敗績殺懿公

襄王 名鄭惠王子在位二十三年

天威不遠顔咫尺

齊桓公會諸侯于葵丘王使宰孔致胙使無下拜桓公曰天威不遠顔咫尺乃下拜登受管仲教之也

知臣莫若君

管仲將卒桓公問後誰可相者仲曰知臣莫若君問易牙開方監刁三人仲皆以為不可公卒用之

齊桓公卒五公子爭立

齊侯好內內嬖如夫人者六人公卒五公子爭立國內大亂越六十七日未斂尸虫出于戶

宋襄之仁

宋襄公欲霸諸侯與楚戰宋人既成列楚人未既濟宋司馬請擊之公曰君子不困人於厄待既陳而後擊之宋師敗績國人皆咎公公曰君子不重傷不禽二毛 頭半白黑者 不鼓不成列世笑以為宋襄之仁

晉公子重耳反國

重耳避驪姬之難奔狄處十二年適衛乞食于野人與之塊狐偃曰天賜也必獲此土及齊齊桓公妻之重耳安焉桓公卒狐偃與從者謀去及楚秦穆公召重耳于楚帥師納于晉而立之是為文公

從者懸書宮門

初重耳之出奔也嘗餒于曹介子推割股以食之及歸晉侯賞從亡者而不及子推其從者懸書宮門曰有龍矯矯頃失其所五蛇從之周流天下龍饑乏食一蛇割股龍返于淵安其壤土四蛇入穴皆有處所一蛇無穴號于中野公乃求之綿上山中焚其山子推死焉後人為之寒食公乃環綿上封之謂之介山

不許晉侯請隧王葬禮也

濟河焚舟

秦穆公伐晉濟河焚舟遂霸西戎用孟明也

頃王

名壬臣襄王子在位六年

匡王

名班頃王子在位六年

定王

名瑜匡王弟在位二十一年

在德不在鼎

楚莊王始霸伐陸渾之戎觀兵于周郊王使王孫滿勞楚子楚子問鼎之大小輕重對曰在德不在鼎周德雖衰天命未改鼎之輕重未可問也

立孤與死孰難

晉大夫屠岸賈滅趙朔之族朔有遺腹子武賈索之朔客程嬰公孫杵臼謀曰立孤與死孰難嬰曰死易立孤難耳杵臼

日吾爲其易者乃取他兒匿山中嬰出謬曰予我千金吾告
趙氏孤處賈乃使人隨嬰殺杵臼及兒而趙氏真孤乃反在
及武長嬰以實告乃共攻屠岸賈滅其族復還趙氏田邑嬰
請死以下報趙宣子及杵臼武服齊衰三年春秋世祀弗絕
孔子惜繁纓

衛孫桓子與齊戰敗新築人仲叔于奚救之得免衛賞之以
邑辭請曲縣繁纓以朝許之孔子曰惜也不如多與之邑惟
器與名不可以假人

曲縣諸侯之樂繁纓
馬上飾亦諸侯之服

魯初稅畝作丘甲

簡王 名夷定王子
在位十四年

是年晉楚之成

晉楚之成

靈王 名泄心簡王子
在位三十七年

季札讓國

吳子壽夢有四子長諸樊次餘祭次餘昧次季札壽夢見札
賢欲立之札辭曰曹人欲立子臧子臧去之以成曹君札願
附于子臧之義後諸樊卒欲傳以次必致國于季札卒不受
棄其室而耕乃封之延陵故號延陵季子

魯作三軍舍中軍

魯舊惟上下二軍皆屬于公公稅其民以分賜羣臣今季氏欲專其人民乃作三軍三分公室而各有其一季氏盡征之叔孫氏臣其子弟孟氏取半焉後又舍中軍而四分公室季氏取其二孟孫叔孫各一而公無與焉

南史執簡

齊崔杼弑其君太史書之崔子殺之其弟嗣書而死者二人其弟又書乃舍之南史氏聞太史盡死執簡以往聞既書矣乃還

景王

名貴靈王子在位二十五年

解劍懸墓

吳季子歷聘過徐徐君愛其寶劍季子心知而許之使還徐君已歿遂解劍懸其墓而去

輿人誦子產

鄭使子產為政期年輿人誦之曰取我衣冠而赭之取我田疇而伍之孰殺子產吾其與之及三年又誦之曰我有子弟子產誨之我有田疇子產殖之子產而死誰其嗣之後孔子亦稱之曰古之遺愛也

周禮盡在魯

晉使韓宣子聘魯見易象與春秋曰周禮盡在魯矣乃今知周之德與周之所以王也

問禮問官

孔子問官于邾子訪樂于萇弘又問禮于老聃聃時為周柱下史謂孔子曰良賈深藏若虛君子盛德容貌若愚孔子謂弟子曰鳥吾知其能飛魚吾知其能游獸吾知其能走至于龍吾不能知其乘風雲而上也今見老子其猶龍乎

伐檀

孔子適宋與弟子習禮檀樹下桓魋惡而伐其木至鄭鄭人譏曰東門有人其頰似堯其項似皐陶其肩似子產其腰以下不及禹三寸纍纍若喪家之狗

敬王

名丐景王子也在位四十四年

覆楚復楚

初楚伍員與申包胥為友員父伍奢為平王所殺員乃奔吳與包胥別曰我必覆楚包胥曰我必復楚員果導吳師伐楚鞭平王尸包胥乃如秦乞師依庭墻而哭日夜不絕秦遂出師敗吳昭王復國

孔子墮三都

孔子謂定公曰臣不藏甲大夫無百雉之城使仲由為季氏

宰將墮三都

郈費成也

孔子攝相齊餽女樂

孔子為魯司寇攝相事七日而誅亂政大夫少正卯有沈猶

氏者嘗朝飲其羊以詐市人公慎氏者妻淫不制慎潰氏者
奢侈踰法鬻六畜者飾之以儲價及孔子爲政沈猶氏不敢
飲其羊公慎氏出其妻慎潰氏越境而徙鬻貨者不飾價男
女別于塗道不拾遺三月魯大治齊人聞而懼用犁鉏謀選
國中美女八十人皆衣文衣而舞康樂文馬三十駟遺魯君
陳于魯城南門外季桓子微服往觀之乃語魯君爲周道遊
筮觀終日怠于政事郊又不致膳俎于大夫孔子遂適衛初
孔子爲政民謗之曰麇裘而犍投之無戾犍之麇裘投之無
郵三月政成化行民又誦之曰袞衣章甫實獲我所章甫袞
衣惠我無私

越敗吳于槁李

槁音醉今嘉興府

吳伐越越子勾踐禦之敗吳于槁李吳子闔廬重創而死其
子夫差立誓復仇使人立于庭苟出入必謂已曰夫差而忘
越人之殺而父乎則對曰不敢忘三年乃報越

吳敗越于夫椒

山名在無錫西太湖濱

吳夫差伐越敗越于夫椒報槁李也勾踐以甲楯五千棲于
會稽用范蠡計使大夫種行成于吳身請爲臣妻請爲妾爲
吳養馬于石室吳王疾勾踐爲嘗糞因吳太宰伯嚭請歸國
夫差許之伍員諫不聽退而告人曰越十年生聚十年教訓
二十之外吳其爲沼乎越王歸臥薪嘗膽後二十年卒滅

吳

韋編三絕

孔子晚而好易以韋編簡凡經三絕

西狩獲麟

孔子初生有麟至孔子之母徵在以綉紱繫其角而去至是魯人西狩獲之紱猶在焉孔子視之曰是麟也有王者則至無王者則不至孰為來哉孰為來哉反袂拭面涕沾袍曰吾道窮矣作春秋遂自是絕筆

衛世子魋暗入于衛子路結纓而死

初衛靈公為夫人南子召宋朝世子蒯瞶適齊過宋野野人

歌曰既定爾婁豬

喻南子

盍歸我艾殺

宋朝

世子羞之乃朝夫久

欲殺之夫人覺其色啼而走曰太子殺我蒯瞶奔宋又之晉後靈公卒蒯瞶之子輒立晉納蒯瞶而輒與兵拒之蒯瞶之姊為孔圉妻生愷乃謀於其姊劫孔愷逐輒子路入蒯瞶之臣石乞孟孺以戈擊之斷纓子路曰君子死冠不免遂結纓而死衛人醢之愷立蒯瞶是為莊公輒奔魯

孔子卒

孔子生于靈王二十一年十一月

敬王四十一年四月巳丑孔子時七十三歲早作負杖逍遙于門歌曰太山其頽乎梁木其壞乎哲人其萎乎子貢聞之曰太山其頽則吾將安仰梁木其壞哲人其萎則吾將安放

夫子殆將病也遂趨而入孔子謂賜曰予疇昔之夜夢坐奠于兩楹之間夫明王不作天下其孰能宗予予殆將死也寢疾七日而歿

元王 名仁敬王子 在位七年

范蠡去越

初蠡與勾踐深謀二十年卒以滅吳蠡以為大名之下難以久居且知勾踐可與同患難與處安遂乘輕舟遊五湖浮海出齊變姓名自號鴟夷子皮父子治產致數十萬齊人聞其賢以為相蠡嘆曰居家致千金居官致宰相此布衣之極也久受尊名不祥乃歸相印盡散其財間行止于陶又謂之陶朱公蠡去遺文種書曰飛鳥盡良弓藏狡兔死走狗烹敵國

破謀臣亡越王長頸烏喙不可與共安樂子何不去種稱疾不朝人或譖種且作亂越王賜之劍使自殺

貞定王 名介元王子在位二十八年

繭絲保障

晉趙簡子使尹鐸為晉陽鐸請曰以為繭絲乎 指賦 抑為保

障乎 指籬 籬 簡子曰保障哉尹鐸損其戶數簡子謂其嗣無恤

曰晉國有難必以晉陽為歸後無恤立是為趙襄子智伯求地于襄子弗與智伯怒帥韓魏之師攻趙氏襄子奔晉陽三家決水灌其城城不浸者三版沉竈產蛙民無叛意趙襄子

乃使張孟談潛出見魏桓子韓康子乃陰與之約夜使人殺
守隄吏而決水灌智伯軍智伯軍亂韓魏翼而擊之遂殺智
伯滅其族而分其地襄子漆智伯之頭以爲飲器

豫讓爲智伯報仇

智伯之臣豫讓挾匕首入襄子塗廁襄子如廁心動索獲豫
讓左右欲殺之襄子曰義士也吾謹避之耳讓又漆身爲癩
吞炭爲啞行乞于市其友曰以子之才臣事趙孟必得近幸
子乃爲所欲爲顧不易耶何自苦乃爾讓曰不可若委質爲
臣而求殺之是二心也吾所以爲此者將以愧天下後世之
爲人臣懷二心者也後又伏于橋下欲殺襄子襄子索而殺

之

威烈王

名午考王子貞定王之孫考王在位十六年威烈王在位二十四年

去妻拔葵

魯公儀休爲相入其家見織帛怒而去其妻食于舍而茹葵
愠而拔其葵曰吾已食祿又奪園夫紅女利乎

過廬必式

魏文侯以卜子夏田子方爲師每過段干木之廬必式子擊
出遭子方于道下車伏謁子方不爲禮擊怒謂子方曰富貴
者驕人乎貧賤者驕人乎子方曰亦貧賤者驕人耳富貴安
敢驕人國君驕人則失其國大夫驕人則失其家夫貧賤之

士言不用行不合則納履去耳安往而不得貧賤哉子擊乃謝之

殺妻求將

吳起者衛人仕于魯魯欲使禦齊或以起娶齊女為妻疑之起遂殺妻以求將大敗齊師

安王

名驕威烈王子
在位二十六年

舟中之人皆敵國

魏文侯太子擊立是為武侯武侯浮舟中流謂吳起曰美哉山河之固此魏國之寶也起曰在德不在險君不脩德舟中之人皆敵國也武侯曰善

烈王

名喜安王子
在位七年

烹阿封墨

齊威王召即墨大夫語之曰自子居即墨毀言日至吾使人視即墨即墨治是子不事吾左右以求助也封之萬家召阿大夫語之曰自子守阿譽言日至吾使人視阿阿不治是子厚幣事吾左右以求譽也是日烹阿大夫及左右嘗譽者于是羣臣莫敢飾非齊國大治

空谷足音

時周室微弱諸侯莫朝而齊威王獨來朝故綱目云云

顯王

名扁烈王弟在
位四十八年

徙木立信

商鞅相秦定變法之令恐民不信乃立三丈之木于國都市南門募民有能徙置北門者予十金民怪之莫敢徙復曰能徙者予五十金有一人徙之輒予五十金乃下令秦民莫敢不從行之十年道不拾遺山無盜賊民勇于公戰怯于私鬪鄉邑大治後乃開阡陌廢井田益富強

四臣照千里

齊威王與魏惠王會田惠王曰寡人有徑寸之珠照車前後各十二乘者十枚齊亦有寶乎威王曰寡人之所寶者有檀子守南城盼子守高唐黔夫守徐州種首備盜賊此四臣者將照千里豈特十二乘哉惠王有慚色

明主愛一嘖一笑

韓昭侯有敝袴命藏之曰明主愛一嘖一笑敝袴豈特嘖笑而已哉吾以待有功者

二卵棄干城之將

子思薦荀變于衛侯曰其材可將五百乘公曰變嘗賦于民而食人二雞子故弗用也子思曰聖人用人猶匠之用木取其所長棄其所短故杞梓連抱而有數尺之朽良工不棄今君處戰國而以二卵棄干城之將此不可使聞于鄰國也公再拜曰謹受教

孫臏滅竈

初孫臏與龐涓同師鬼谷子學兵法及涓事魏爲將軍自以能不及臏乃召之至則刖其足而黔之欲使終身廢棄齊使者至魏臏陰見之使者竊載以歸田忌客之進之威王王使臏爲田忌謀主將兵救趙復救韓涓乃與魏太子申發兵禦齊臏以魏素輕齊乃使齊軍入魏地爲十萬竈明日爲五萬竈又明日爲三萬竈涓大喜曰吾固知齊軍怯入吾地三日亡者過半矣乃倍日併行逐之臏伏兵馬陵斫樹白而書之曰龐涓死此樹下涓至見白書取火燭之伏兵萬弩俱發魏師大亂涓乃自刎曰遂成豎子之名齊因乘勝大破魏師虜

太子申

論囚涓赤

秦相商鞅用法嚴酷步過六尺者有罰棄灰于道者被刑嘗臨涓論囚涓水盡赤

爲法自弊

秦孝公封鞅爲商君孝公薨子惠文王立公子虔之徒患鞅嚴酷告鞅反發吏捕之鞅出亡欲止客舍舍人曰商君之法舍人無驗者坐之鞅嘆曰爲法自弊一至于此秦人卒車裂以殉滅其家

雞口牛後

蘇秦說燕趙韓魏齊楚合從以擯秦其說韓者曰寧爲雞口
無爲牛後

季子位高金多

蘇秦初出不得志而歸妻不下紕嫂不爲炊父母不與言後
爲從約長并相六國北報趙便道歸車騎輜重擬于王者昆
弟妻嫂側目不敢視嫂蛇行匍伏秦笑曰何前倨而後恭也
嫂曰見季子位高金多也

張儀相秦

初魏人張儀與蘇秦俱師事鬼谷學從衡之術秦旣相六國
儀遊說諸侯尙無所遇蘇秦恐秦伐趙而敗從約念莫可使
用于秦者乃召儀而辱之以激怒儀儀念諸侯中獨秦能苦
趙遂入秦蘇秦陰使人齎金幣資儀儀得見秦王王悅之以
爲客卿蘇秦所使舍人謂儀曰蘇君憂秦伐趙敗從約以爲
非君莫能得秦柄故激怒君使臣陰奉給君資儀曰嗟乎此
吾在術中而不悟吾不及蘇君明矣爲吾謝蘇君蘇君之時
儀何敢言至是爲秦王說魏魏因盡入上郡十五縣謝秦儀
遂相秦說六國連衡以事秦後秦惠王薨武王立不悅儀儀
出相魏二歲卒後蘇秦自趙至燕自燕奔齊爲齊大夫刺死
孟嘗君養士

齊相田文號孟嘗君招致諸侯遊士食客常數千人由是名

重天下

慎靚王

名定顯王子在位七年

赧王

名延慎靚王子在位五十九年

孟子之功不在禹下

時天下務于合從連衡而處士楊朱墨翟之言盈天下獨孟子述唐虞三代之德推明孔子之道以正人心息邪說為己任是以所如不合是時在齊乃致為臣而歸。韓退之曰孟子之功不在禹下

馬死買骨

燕王噲為齊所殺太子平立是為昭王命郭隗求賢隗曰古之人君有以千金使涓人求千里馬者馬已死買其骨而反君怒涓人曰死馬且買况生者乎不期年千里馬至者三今欲致士先從隗始况賢于隗者豈遠千里哉昭王乃師事隗士爭趨燕

屈原作離騷

屈原為楚懷王左徒志潔行廉明于治體王甚任之後以讒見疎而睠顧不忘作離騷之辭與王之一悟而王終不悟也後子蘭又譖之于頃襄王王怒遷之江南平遂懷石自投汨羅江以死

狗盜雞鳴

秦以齊田文爲相或謂秦王曰孟嘗君相秦必先齊後秦秦其危哉王乃囚孟嘗君欲殺之孟嘗君使人求解于王之幸姬姬欲得狐白裘孟嘗君有狐白裘已獻之王無以應姬客有善爲狗盜者入秦藏中盜以獻姬姬乃言于王而遣之王後悔使追之孟嘗君至關關法雞鳴出客時尙早追者將至客爲雞鳴野雞聞之皆鳴孟嘗君乃得脫歸

論臧三耳

如莊子雞三足之說謂雞本二足有運而行者是爲三足今耳亦猶是也人有兩耳兼听而言爲三耳

趙平原君好士食客常數千人客有公孫龍者善爲堅白異同之辨孔子之玄孫穿自魯適趙與龍論臧三耳龍辨甚析穿弗應平原君問之穿曰幾能令臧三耳矣然謂三耳甚難而實非也謂兩耳甚易而實是也平原君謂龍曰公無復與孔子高辨事也其人理勝于辭公辭勝于理終必受誣

倚門倚閭

燕昭王弔死問孤志復齊仇今因齊潛王滅宋而驕昭王乃使樂毅爲上將軍率秦魏韓趙之師以伐齊潛王走莒毅入臨淄取寶物祭器輸之于燕六月之間下齊七十餘城楚使淖齒將兵救齊因爲齊相欲與燕分齊地遂弒潛王于鼓里王從者王孫賈失王處而歸其母曰汝朝出而晚來則吾倚門而望汝暮出而不還則吾倚閭而望今王出走汝不知其處尙何歸焉賈乃入市呼曰淖齒亂齊國殺潛王欲與我誅

十二身紀事抄要 卷一
之者袒右市人從者四百人與攻淖齒殺之於是求潛王子
法章立之保莒城以拒燕布告國中曰王已立在莒矣

完璧歸趙

趙王得楚和氏璧秦昭王請易以十五城趙藺相如請奉璧
至秦知秦王無意償趙城相如乃給秦王復取璧遣使懷歸
趙而身待命于秦秦王賢而歸之

負荆謝罪

秦王與趙王會于澠池屬陝西秦王請趙王鼓瑟趙王鼓之藺

相如請秦王擊缶秦王不肯相如曰五步之內臣請得以頸

血濺大王矣左右欲刃相如相如張目叱之左右皆靡秦王

爲一擊缶罷酒秦終不能有加于趙趙王歸以相如爲上卿

廉頗曰我有攻城野戰之功相如徒以口舌位加我上我必

辱之相如聞之每朝常稱病出而望見輒引車避匿其舍人

皆以爲耻相如曰以秦王之威而相如廷叱之獨畏廉將軍

哉顧吾念之秦所以不敢加兵于趙者徒以吾兩人在也若

兩虎共鬪勢不俱生吾所以爲此者先國家而後私仇也廉

頗聞之內袒負荆至門謝罪遂爲刎頸之交

田單火牛攻燕盡復齊地

時齊地皆屬燕獨莒卽墨未下樂毅并軍圍之卽墨人曰田
單多智習兵乃立以爲將會燕昭王薨惠王立王素不悅毅

田單乃縱反間曰樂毅與新燕王有隙畏誅欲連兵王齊齊人未附故緩攻卽墨以待其事齊人惟恐他將來卽墨殘矣惠王乃使騎劫代將毅遂奔趙單又宣言曰吾惟恐燕人割所得齊卒置之前行卽墨敗矣燕人如其言城中皆怒堅守惟恐被獲單又言吾懼燕人掘吾城外塚墓燕軍果掘燒之齊人望見皆涕泣欲出戰單知其可用乃身搽版鋪與士卒分功妻妾編于行伍之間收城中得牛千餘爲絳繒衣畫以血綵龍文束兵刃于其角灌脂束葦于其尾鑿城數十穴夜縱牛燒尾端壯士五千人隨之牛尾熱怒奔燕軍燕軍大驚視牛皆龍文所觸盡死傷而城中鼓譟從之老弱皆擊銅器爲聲震動天地燕軍大敗齊人殺騎劫追亡逐北七十餘城皆復焉乃迎襄王于莒入臨淄以單爲相封爲安平君

綈袍戀戀有故人之意

魏人范雎嘗從大夫須賈至齊私受餽金須賈歸告其相魏齊致之死地逸出更名張祿入秦爲丞相後須賈至秦雎敝衣微行見之賈曰范叔固無恙何一寒至此取一綈袍贈之及賈入相府見雎坐堂上膝行謝罪請死雎曰汝辱我有三所以得不死者以綈袍戀戀有故人之意耳

膠柱鼓瑟

秦伐趙趙以馬服君趙奢之子括代廉頗將藺相如曰王以

名使括若膠柱鼓瑟括徒能讀父書不知合變也王不聽秦
王聞之乃使武安君白起爲將大破趙軍殺趙括抗降卒四
十萬

毛遂自薦

秦攻趙平原君求救于楚約其門下文武具備者二十人與
之俱得十九人餘無可取者毛遂自薦平原君曰賢人處世
如錐處囊中其末立見今先生未有所見也遂曰使得蚤處
囊中乃脫穎而出非特其末見而已平原君乃與俱至楚與
楚王言合從利害又不決毛遂按劍而言曰從之利害兩言
而決耳以楚之強爲白起所挫此百世之怨合從者爲楚非
爲趙也楚王曰唯唯乃招十九人歃血定盟曰公等碌碌所
爲因人成事者也平原君旣定從而歸曰勝不敢復相天下
士矣乃以毛遂爲上客

信陵竊符救趙

平原君夫人魏公子無忌姊也無忌因侯生計得魏王如姬
竊虎符奪晉鄙兵救趙却秦此五伯之功

魯仲連義不帝秦

魏使新垣衍說趙共尊秦爲帝仲連往見衍曰彼卽肆然而
爲帝連有蹈東海而死耳不願爲之氓也衍曰吾今知先生
天下士也不敢復言帝秦矣平原君欲封連連亦不受乃以

千金爲壽連笑曰所貴爲天下士者爲人排難解紛無所取也卽有取者是商賈之事連不忍爲也遂遁去

奇貨可居

秦太子妃華陽夫人無子夏姬生子曰異人質于趙陽翟大

河朔

賈呂不韋見之曰此奇貨可居乃以千金爲異人謀西見夫人姊使獻夫人譽異人賢因說曰夫人誠以異人爲子是異人無國而有國夫人無子而有子終身寵于秦矣夫人以爲然遂與太子約以爲嗣後異人自趙逃歸不韋娶邯鄲美姬知其有娠而獻于異人生子名政後爲始皇

報王獻地於秦

秦伐韓趙王與諸侯約欲伐秦秦遂入寇王入秦盡獻其地歸而卒

東周君

秦滅東周遷其君子陽人聚周遂亡

右東西周共三十八王合八百七十三年

秦紀

秦自非子爲周孝王主馬于汧渭之間馬大蕃息封爲附庸邑于秦賜姓嬴使續伯益嗣後得西周棄地八百里國漸強大至是始皇遂代周而有天下

始皇帝

名政實姓呂氏所謂暴秦以呂易嬴是也在王位二十六年并天下卽帝位十二年自號始皇欲一世二世以至萬萬世傳之無窮故不立謚但以世紀凡二世而亡

廉將軍尚善飯

趙廉頗奔魏王復思之使使視頗尙可用否頗見使者一飯斗米肉十斤被甲上馬以示可用頗之仇郭開令使者毀之曰廉將軍尙善飯然與臣坐頃之三遺矢矣王以爲老遂不召後卒于楚

北邊良將

趙李牧嘗居代鴈門備匈奴市租皆輸入幕府爲士卒費日擊數牛饗士約曰有敢捕虜者斬匈奴以爲怯而士日得賞賜皆願一戰于是大破匈奴十餘歲不敢近趙邊

李園進妹春申君

黃歇也

楚考烈王無子趙人李園進其妹于春申君既有娠園使妹

說春申君曰楚王無子卽百歲後將更立兄弟彼亦各貴其所親君又安得常保此寵乎今妾有娠而人莫知誠進妾于王賴天而有男則是君之子爲王也楚國可盡得矣春申君乃進諸王王幸之生男立爲太子園妹爲后園亦貴用事恐春申君洩其語陰養死士殺之以滅口

李斯諫逐客

時賓客日盛宗室大臣諫曰凡來仕者皆爲其主遊聞耳請一切逐之於是大索逐客楚人李斯亦在逐中故上書諫之白虹貫日

初燕太子丹與秦王善王卽位丹質于秦王不禮焉丹怒亡

歸欲報之聞衛人荆軻賢卑辭厚禮請見使劫秦王軻曰願
得秦亡將在燕者樊於期首及燕督亢之地圖以獻秦王王
必悅見臣臣乃有以報也乃私與樊謀樊如言太子豫求利
匕首遣之于是白虹貫日燕人畏之軻至咸陽見秦王奉圖
以進圖窮而匕首見把王袖搥之未及身王驚起袖絕軻逐
王王環柱走秦法侍殿上者不得操尺寸兵左右以手搏之
且曰王負劍乃拔劍擊軻斷其左股遂體解以徇王益發兵
伐燕大破之燕王斬丹以獻

茅焦解衣危論

呂不韋與太后私通恐及禍乃進舍人嫪毐年諱于太后生

二子事覺王誅嫪毐遷太后殺其二子諫死者二十七人茅
焦諫曰死生存亡聖主所欲急聞陛下有狂悖之行不自知
耶車裂假父囊撲二弟遷母于雍殘殺諫士令天下聞之瓦
解無向秦者臣竊危之乃解衣伏質王下殿手接之爵以上
卿自駕迎太后爲母子如初

王翦請美田宅

秦用王翦將六十萬人伐楚王翦以秦王怛中而不信人臨
行故請美田宅以自堅翦至楚堅壁不戰日休士善飲食撫
循之久之問軍中戲乎對曰方投石超距翦曰可矣因大破
楚滅之

王初并天下更號皇帝

王滅六國并天下自謂德高三皇功過五帝乃更號曰皇帝

命為制令為詔自稱曰朕

除謚法

制曰死而以行為謚是子議父臣議君也自今以來除謚法

朕為始皇帝後世以計數二世三世至萬世傳之無窮

郡縣天下

古來皆封建諸侯始皇獨不分封立國乃分天下為三十六

郡郡置守尉監銷天下兵器鑄金人十二一法度衡石丈尺

徙天下豪傑于咸陽十二萬戶

封禪

屬山東秦嶺

始皇東行郡縣至鄒嶧山立石頌功德封泰山禪梁父遣方

士徐市等人海求三神山不死藥

張良為韓報仇

秦滅韓韓人張良以五世相韓欲為韓報仇因始皇東遊至

博浪沙中令力士操鐵錐狙擊之誤中副車始皇驚求弗得

令天下大索十日

築長城

始皇巡北邊廬生入海還因奏錄圖書曰亡秦者胡也始皇

乃遣蒙恬將三十萬人北伐匈奴因築長城起臨洮陝西至遼東

延袤萬餘里

作阿房宮

始皇初築宮咸陽北阪上又作長信宮及甘泉前殿至是又以咸陽宮庭小乃營朝宮于渭南上林苑中先作前殿阿房東西五百步南北五十丈上可以坐萬人下可以建五丈旗役徒刑者七十餘萬人

焚書坑儒

丞相李斯上書曰諸生不師今而學古聞令下則各以其學議之臣請史官非秦紀皆燒之有偶語詩書者棄市以古非今者族誅制曰可適侯生盧生譏議始皇因亡去始皇大怒

使御史按問諸生諸生傳相告引乃收犯禁者四百六十人皆坑之咸陽

二世皇帝

如皇東巡至沙丘崩趙高李斯矯詔殺長子扶蘇而立次子胡亥號為二世三年而亡所謂亡秦者胡是也

騁六驥過決隙

二世謂趙高曰人生世間譬猶騁六驥過決隙吾欲窮樂以終年壽可乎趙高曰陛下第嚴刑峻法盡除先帝之故臣更置陛下之所親信則高枕肆志無憂矣二世乃更為法律務益刻深諸公子公主大臣多僇死

陳勝吳廣起兵

陳勝字涉楚人少備耕隴上悵然曰苟富貴無相忘傭者笑曰若為傭耕何富貴也涉曰燕雀安知鴻鵠志哉至是與吳廣為屯長率九百人戍漁陽會雨失期召徒屬曰公等皆當斬丈夫不死則已死則舉大名耳王侯將相寧有種乎眾從之以是舉也揭竿斬木舉兵入陳據之自立為楚王

鼠竊狗偷

謁者從東方來以反者聞二世怒下之吏後使者至曰群盜鼠竊狗偷不足憂也上悅

沛公起兵

沛人劉邦字季隆準龍顏左股有七十二黑子愛人喜施有

大度嘗縱觀秦咸陽宮闕嘆曰大丈夫當如此矣軍父人

公好相人見季狀貌奇之因妻以女即呂后也季常匿芒碭

山澤間后常求得之季怪之后曰季所居上常有雲氣故往

從常得沛中子弟聞之多欲附者後為泗上亭長送徒驪山

徒多道亡乃解縱所送徒曰公等皆去吾亦從此逝矣徒中

壯士願從者十餘人季嘗被酒夜至徑澤中見大蛇當道拔

劍斬之後人至蛇所老嫗夜哭曰吾子白帝子也化蛇當道

為赤帝子斬之嫗忽不見後人告季季乃心喜自負從者曰

益畏之及陳涉起沛人迎季為沛公掾吏蕭何曹參為牧士

弟得二三千人以應旗幟皆赤

項梁起兵

楚人項梁嘗殺人與兄子籍避仇吳中籍少時學書不成去學劍又不成梁怒籍曰書足以記名姓而已劍一人敵不足學學萬人敵于是梁教以兵法聞陳涉起乃發兵以應涉

六國復起

田儋自立為齊王
趙將韓廣略燕地自立為燕王
趙將張耳陳餘立趙歇為趙王
魏豹自立為魏王
張良說項梁立韓成為韓王

居鄭人范增

王孫心為楚王

沛公天授

沛公得張良以為廐將良以太公兵法說沛公沛公常用其策良曰沛公始天授故遂從不去

東門逐兎

趙高恃恩專恣李斯以為言高乃激怒二世言李斯將欲自王且其子由守三川輒與盜通不戢將自斃二世乃下斯獄論腰斬咸陽市斯顧謂其子曰吾欲與若復牽黃犬出上蔡東門逐狡兎豈可得乎遂父子相哭而夷三族二世乃以趙


高為丞相事無大小皆決焉于時大將之將三軍以並
沛公寬大長者沛公皆屬楚懷王王與諸侯約先入定關中者王
初項梁與沛公皆屬楚懷王王與諸侯約先入定關中者王
之項羽怨秦之殺項梁願與沛公西入關懷王諸老將皆曰
項羽所過無不殘滅不可遣獨沛公寬大長者可遣王乃不
許羽而遣沛公西略地

沉船破釜秦軍以爲必死無還心秦將章邯擊趙趙請救于楚楚王使宋義為上將軍號卿子
冠軍項羽為次將以救趙義飲酒高會留四十六日不進項
羽即其帳中斬義引兵渡河沉船破釜持三日糧示士卒死

戰大破秦軍由是羽始為諸侯上將軍諸侯兵皆屬焉
倨床見酈生酈在祀縣

沛公引兵西過高陽高陽人酈食其入謁沛公方倨胡床使
兩女子洗足酈生長揖不拜曰足下必欲誅無道秦不宜倨
見長者沛公乃輟洗延坐問計生日陳留天下之衝城中又
多積粟臣善其令請得說之使下于是遣酈生行沛公引兵
隨之遂下陳留

請事留司馬門三日
章邯救于楚二世讓之邯恐使長史欣請事咸陽留司馬門
三日趙高不見欣曰高用事于中戰勝必嫉吾功不勝不免



于死部乃與羽約盟洹水立為雍王置楚軍中使欣將其軍
為前行

指鹿為馬

趙高欲奪秦權恐群臣不聽乃先設驗持鹿獻于二世曰馬
也二世笑曰丞相誤耶謂鹿為馬問左右或默或言鹿高因
陰中諸言鹿者以法後群臣多畏高莫敢言其過

趙高弑二世

時關東皆叛高畏誅乃使其婿閻樂弑二世于望夷宮立于
嬰為王嬰刺殺高夷其三族子嬰為王凡四十六日而降于
漢後為項羽所殺而秦亡

右秦自莊襄王滅周至于嬰合四十二年

問

寧和士成

